

549 Der wirt ze sîner tochter sprach:

»dû solt schaffen guot gemach  
mîme hêrren, der hie stêt.  
ir zwei mit ein ander gêt.

5 nû diene im unverdrozzen;  
wir hân sîn vil genozzen.«  
Sîme sune bevalch er Gringuljeten.  
des diu magt was gebeten,  
mit grôzer zuht daz wart getân.

10 mit der meide Gawan  
ûf eine kemenâten gienc.  
den estrîch al übertienc  
niwer binz unt bluomen wol gevar  
wâren drûf gesniten dar.

15 dâ entwâpende in diu sîeze.  
»got iu des danken müeze«,  
sprach Gawan. »vrouwe, es ist mir nôt.  
wan daz manz iu von hove gebôt,  
sô dient ir mir ze sêre.«

20 Si sprach: »ich diene iu mêre,  
hêrre, nâch iweren hulden  
denne von andern schulden.«  
Des wirtes sun, ein knappe, truoc  
senfter bette dar genuoc.

25 an die want gein der tür  
ein teppech wart geleit dar vür;  
dâ solte Gawan sitzen.  
der knappe truoc mit wîzen  
eine kultern sô gemâl

30 ûfez bette von rôtem zindâl.

a. gêt \*T

unde (nu I [Z]) dient im u.; \*T (I Z)

daz was g. \*G (nur G)

niuwe binzen unde (vnde vnde T) bl. clâr \*T (ohne O)

g. gar ([gar]: dar Z). \*T (Z)

»got iu des lônens m.«, \*T

»vr., ez (sin I) ist mir nôt. \*G »mir (vrowe mir V [O]) ist sîn nôt. \*T

Ein kn., des w. sun, dar tr. \*T

dar om. \*T

dâ G. solte s. \*T

tr. dar mit \*T (nur T)

über b. von (mit G) r. zendâl. \*G (nur GI) - dar ûf (Vffens bette V) von r. z. \*T

---

\*D: D \*m: m \*G: G I L Z \*T: T (ohne 549.10) U V O (teilweise Textverlust 549.21–550.7)

---

1 Initiale D G I L Z T U 7 Majuskel D 8 Majuskel T 9 Initiale O 13 Initiale I 15 Majuskel T 20 Versal T · Majuskel D 23 Majuskel D T

---

7 bevalch] enpfalch \*m 12 al] om. \*m 13 niu binz, bluomen †und† wol gevar \*m 17 sprach Gawan. »es ist mir nôt. \*m